



**OFFICE OF THE GOVERNOR  
AMERICAN SAMOA GOVERNMENT**

**Feau Fa'amanuia o le Kerisimasi**

O le Kerisimasi o lo'o momoli mai ai lagona o le olioli ma le agaga fa'afetai tatou te fa'amanatuina ai le soifua mai o Iesu Keriso, e atagia i lo tatou soifuaga ana aoaoga taua o le auauna atu ma soifua mo isi tagata, ma le fa'aalia i ai o le alofa fa'a-Keriso. O se vaitau e toe timata ai le upega fa'a-lea-agaga, ma fa'apotopotoina ai Aiga, atoa ai ma le toe fa'aleleia o ni maseiga, ma ia maua le lotogatasi, o le fetausia'i ma le agalelei.

O lo'o fa'amanatu mai ia i tatou le taua o lenei vaitau, e pei ona valoia e le Perofeta o Isaia 9:6, "Auā ua fanau mai mo i tatou le tama, ua foaina mai mo i tatou le Atalii, e i lona ua le malo, e igoa fo'i o ia, o le Silisili ese, o le Faipule, o le Atua malosi, o le Tamā o le faavavau, o le Perenise o le Filemu." O lenei lava matāupu ua fa'aailoa mai ai le uiga moni o le Kerisimasi, auā o le fanau mai o Iesu Keriso, o se fa'aailoga o le filemu ma le alofa moni.

A o tatou fa'amanatuina le soifua o lo tatou Alii ma le Faaola, o Iesu Keriso, o lo'o musuia pea i tatou uma i ana aoaoga e ala i lo tatou fa'aali atu o le agalelei o le tasi i le isi, ma ia sapaia i latou o lo'o manaomia le fesoasoani, ina ia fa'atupuina ai pea le lagona o le lotogatasi i lo tatou Atunu'u. A o tatou tomanatu i lu'itau o le tausaga ua mavae, e taua tele lo tatou tuli i luma se 'Ai ma le fa'amoemoe fou e fausia ai se lumana'i manuia mo Amerika Samoa. O le galulue felagolagoma'i, e mafai ai ona tatou manumalo i so'o se lu'itau e ono tula'i mai i luma.

O mo'omo'oga alofa ma fa'amanuiaga, mai ia i maua ma le tinā o le atunuu ia Ella Mauga, fa'apea le Afioga le Kovana Lutena, Talauega E.V. Ale ma le Faletua ia Marian Ale, fa'apea fo'i o matou Aiga, matou te fa'amanuia atu ai le Kerisimasi ma se Tausaga Fou fiasia, i si o tatou Atunuu ae maise tama fanau o lo'o tutu i matagi olo i so'o se tafa o le lalolagi aua le tausiga o le filemu. Talosia ia aumaia e le Alii o le Filemu le olioli, ma le anoano'ai o faamanuiaga mo i tatou, faatasi ai ma i latou e pele ia te oe, ma ia taitaiina i tatou uma e le malamalama o lona alofa i le tausaga fou.

**LEMANU P. S. MAUGA**  
Kovana